

# KEY LARGO CASINO

Ta invita bo pa spin y gana durante nos

## HOT SEAT DRAWINGS

Tur Dialuna y Diahuebs di 7 pa 10 pm.

Nos ta spera bo tin hamber... nos lo ta regalando  
Sub Sandwiches pa tur nos hungadornan di Casino  
sea bo ta hunga mesa of machine.



Key Largo ta habri di 11am te 4am tur dia / J.E. Irausquin Blvd. 248  
Pa mas informacion yama 587-9000 ext 7155

## Remitido Le Groove = Out!

Mi no ta un experto musical, si mi ta un carnavalista, un fan di Le Groove. Mi a tuma  
ni musico ni hurado. Pero amante di música soca y un nota di e hecho cu e aña aki

di e banda Le Groove no a clasifica ni un solo cantante pa e final di e Calypso y Roadmarch Contest. Di 14 cantante cu a inscribi, cero a clasifica.

Remarcable ta, cu tur aña desde cu Le Groove a lanta como banda y a participa den e C&R Contest, ela clasifica pa e dia final y hasta un of mas di e cantantenan ta termina den e finalistanan. Awo mi ta puntra mi mes, Le Groove su calidad di música y/o composicionnan a deteriora asina liher den un aña di tempo of tin algo otro tras di e hecho di e descualificacion di Le Groove?

Ta hopi casualidad cu aña pasa SAC a prohibi Gario pa participa pa tres anja consecutivo na e C&R Contest y cu mester a para te na Corte pa e prohibición wordo hala aden. Ta hopi casualidad cu net e aña aki ningun cantante cu Le Groove a acompaña a clasifica pa e dia final di e competencia.

Tur esaki no ta ponebo pensa cu e hechonan y e casualidadnan ta bastante obvio?

Parse u ja cu e prohibición di Gario pa participa como cantante, compositor y/o arreglista pa 3 anja

consecutivo no tabata tin ningún base legal, tin otro forman di castiga e artista y subanda door di no laganan clasifica pa e dia final di e competencia. Manera tin un dicho na hulandes: er zijn meer wegen die naar Rome leiden!

Asina aki nos mes hendenan ta matando carnaval door di inhustamente castiga artistanan y/o bandanan cu ta duna alma y cuerpo na beneficio di nos cultura y en especial di nos carnaval.

Mi ta spera for di mas profundo di mi curazon cu e verdad no ta locual ami ta pensa di tur e asunto aki, pero cada ken evalua e hechonan y saca conclusión pa nan mes.

Cu Le Groove den of afo di final semper nan ta keda e favoritonan di publico y King of d'Road.

**Atentamente**

**Milko Baiz**

**ID nr # 69.12.01.40**

**Email: milko.baiz@gmail.com**

**Nota di Redaccion:** E remitido aki ta wordo publica riba peticion di un lesado di Bon Dia Aruba. Bon Dia Aruba no ta responsabel pa e contenido.